

Cuntas Leithreasa 2021

Vóta 3

Oifig an Ard-Aighne

Réamhrá

Mar Oifigeach Cuntasaíochta do Vóta 3, ceanglaítear orm an cuntas leithreasa don Vóta a ullmhú gach bliain agus an cuntas a chur faoi bhráid an Ard-Reachtair Cuntas agus Ciste lena iniúchadh.

De réir an cheanglais seo, d'ullmhaigh mé an cuntas a ghabhann leis seo ar an tsuim a caitheadh sa bhliain dar chríoch an 31 Nollaig 2021 le haghaidh thuarastail agus chostais Oifig an Ard-Aighne, lena n-áirítear deontas.

Cuirtear an toradh maidir le caiteachas i gcomparáid leis na suimeanna arna ndeonú ag Dáil Éireann faoin Acht Leithreasa, 2021, lena n-áirítear an tsuim a d'fhéadfaí a úsáid mar leithreasaí-i-gcabhair ar mhaithe le caiteachas don bhliain.

Dlítear farasbarr €603,000 a ghéilleadh don Stáitchiste.

Is cuid den chuntas seo iad an Ráiteas faoi Pholasaithe agus faoi Phrionsabail Chuntasaíochta agus nótaí 1 go 5.

Ráiteas faoi Pholasaithe agus faoi Phrionsabail Chuntasaíochta

Cuireadh na polasaithe agus na prionsabail chaighdeánacha chuntasaíochta maidir le cuntais leithreasa a tháirgeadh, mar atá leagtha amach ag an Roinn Caiteachais Phoiblí agus Athchóirithe i gCiorclán 1 agus 9 de 2022, i bhfeidhm agus an cuntas á ullmhú, ach amháin mar a leagtar amach go díreach thíos.

Ráiteas faoi Rialú Inmheánach Airgeadais

Freagracht as an gcóras rialaithe inmheánaigh airgeadais

Mar Oifigeach Cuntasaíochta, admhaím an fhreagracht atá orm as a chinntiú go ndéanann an Oifig córas éifeachtach rialaithe inmheánaigh airgeadais a chothabháil agus a oibriú.

Feidhmítear an fhreagracht seo i gcomhthéacs na n-acmhainní atá ar fáil dom agus i mo chuid oibleagáidí eile mar Ard-Stiúrthóir/Ceann Oifige. Chomh maith leis sin, ní féidir le haon chóras rialaithe inmheánaigh airgeadais ach ráthaíocht réasúnach seachas dearbhráthaíocht a thabhairt go gcosnaítear sócmhainní, go ndéantar idirbhearta a údarú agus a thaifeadadh go cuí, agus go ndéantar earráidí ábhartha nó mírialtachtaí eile a chosc nó go ndéanfaí iad a aimsiú go tráthúil. Is próiseas leanúnach é an córas rialaithe inmheánaigh airgeadais a chothabháil agus coinnítear an córas agus a éifeachtúlacht faoi athbhreithniú leanúnach.

Seirbhísí comhroinnte

Soláthraíonn an Oifig Náisiúnta um Sheirbhísí Comhroinnte (Vóta 18) feidhmeanna párolla agus acmhainní daonna ar bhonn seirbhísí comhroinnte. Tá Oifigeach Cuntasaíochta na hOifige Náisiúnta um Sheirbhísí Comhroinnte freagrach as rialuithe a oibriú laistigh de na hIonaid Seirbhísí Comhroinnte.

Tá mo chuid freagrachtaí comhlíonta agam maidir le ceanglais an chomhaontaithe bainistíochta seirbhíse idir an Oifig seo agus an Oifig Náisiúnta um Sheirbhísí Comhroinnte chun seirbhísí comhroinnte acmhainní daonna agus párolla a sholáthar.

Braithim ar litir dearbhaithe ó Oifigeach Cuntasaíochta na hOifige Náisiúnta um Sheirbhísí Comhroinnte á rá go bhfeidhmítear na rialuithe cuí i soláthar seirbhísí comhroinnte don Oifig seo.

Timpeallacht rialaithe airgeadais

Deimhním go bhfuil timpeallacht rialaithe i bhfeidhm ina bhfuil na heilimintí seo a leanas:

- Sannadh freagrachtaí airgeadais ag leibhéal an lucht bainistíochta le cuntasacht chomhfheagrach.
- Tá socruithe tuairiscithe curtha ar bun ag gach leibhéal inar sannadh freagracht as bainistíocht airgeadais.
- Tá nósanna imeachta foirmiúla curtha ar bun chun teipeanna suntasacha rialaithe a thuairisciú agus chun gníomh ceartúcháin iomchuí a chinntiú.
- Tá Coiste Iniúchóireachta ann le comhairle a thabhairt dom maidir le comhlíonadh mo chuid freagrachtaí as an gcóras rialaithe inmheánaigh airgeadais.
- Tá nósanna imeachta do na príomhphróisis ghnó go léir doiciméadaithe.
- Tá córais i bhfeidhm chun na sócmhainní a chosaint.

Rialuithe riaracháin agus tuairisciú bainistíochta

Deimhním go bhfuil creat um nósanna imeachta riaracháin agus tuairisciú rialta lucht bainistíochta i bhfeidhm, lena n-áirítear deighilt dualgas agus córas tarmagain agus cuntasachta agus, go háirithe;

- go bhfuil córas buiséad cuí ann le buiséad bliantúil a gcoinníonn an lucht ardbhainistíochta é faoi athbhreithniú;
- go ndéanann an lucht ardbhainistíochta athbhreithnithe tráthrialta ar thuarascálacha airgeadais tréimhsiúla agus bliantúla ina léirítear feidhmíocht airgeadais i gcoinne réamhaisnéisí;
- go bhfeidhmítear córas bainistíochta riosca laistigh den Oifig;
- go bhfuil córais ann atá dírithe ar shlándáil na gcóras teicneolaíochta faisnéise agus cumarsáide a chinntiú;
- go bhfuil treoirlinnte cuí rialaithe infheistíochta caipitil ann agus go gcloítear le disciplíní foirmiúla bainistíochta tionscadail.

Iniúchadh inmheánach agus an Coiste Iniúcháireachta

Deimhním go gcoinníonn an Oifig feidhm iniúcháireachta inmheánaí ar bun trí chomhaontú conartha le cuideachta ghairmiúil iniúcháireachta le pearsanra atá oilte go cuí, a fheidhmíonn de réir cairte i scríbhinn atá ceadaithe agamsa. Bíonn a cuid oibre bunaithe ar anailís ar na rioscaí airgeadais a bhfuil an Oifig neamhchosanta orthu agus tá a pleananna bliantúla iniúcháireachta inmheánaí, a d'fhormheas mé féin, bunaithe ar an anailís seo. Tá sé mar aidhm ag na pleananna seo na príomhrialuithe a chlúdach ar bhonn rollach thar thréimhse réasúnach. I gcomhar leis an gCoiste Iniúcháireachta, déanaim athbhreithniú tréimhsiúil ar an bhfeidhm iniúcháireachta inmheánaí. Chuir mé nósanna imeachta i bhfeidhm chun a chinntiú go ndéantar gníomh leantach i leith thuairiscí na feidhme iniúcháireachta inmheánaí.

Neamhchomhlíonadh na rialacha soláthair

Deimhním go gcinntíonn an Oifig go bhfuil fócas cuí ann ar dhea-chleachtas maidir le ceannach agus go bhfuil nósanna imeachta i bhfeidhm chun comhlíonadh na dtreoirilínte ábhartha uile a chinntiú.

Chomhlíon an Oifig na treoirilínte cé is moite de dhá chonradh (os cionn €25,000) arbh fhiú €251,156 san iomlán iad (gan CBL a áireamh); tá sonraí leagtha amach thíos:

- Dámhadh dhá chonradh dar luach €144,655 agus €106,501 i leith seirbhísí dréachtaithe parlaiminte gan próiseas iomaíoch. Measadh go raibh siad neamhchomhlíontach toisc nach raibh na conarthaí faoi réir próiseas iomaíoch sa bhliain mar gheall ar chineál speisialaithe na hoibre a bhí i gceist. Baineann ceann amháin den dá chonradh a bronnadh le habhcóide parlaiminte a bheith ar iasacht ó Pharlaimint na hAlban.

Chuir an Oifig sonraí faoi chonarthaí neamhiomaíocha ar fáil sa tuairisceán bliantúil i leith Chiorclán 40/2002 don Ard-Reachtaire Cuntas agus Ciste agus don Roinn Caiteachais Phoiblí agus Athchóirithe. Tá an dá chonradh dá dtagraítear thuas ar áireamh sa tuairisceán seo.

Creat rioscaí agus rialaithe

Tá córas bainistíochta riosca curtha i bhfeidhm ag an Oifig lena sainaitheann agus lena dtuairiscítear príomhrioscaí agus na bearta bainistíochta atá á ndéanamh chun aghaidh a thabhairt ar na rioscaí sin agus, a mhéid is féidir, chun iad a mhaolú.

Tá clár rioscaí i bhfeidhm lena sainaitheann na príomhrioscaí atá os comhair na hOifige agus rinneadh iad seo a shainaithint, a mheas agus a ghrádú de réir a dtábhachta. Déanann an Coiste Comhairleach Bainistíochta (CCB) athbhreithniú agus nuashonrú ar an gclár ar bhonn débhlíantúil. Úsáidtear toradh na measúnuithe sin chun acmhainní a phleanáil agus a leithdháileadh chun a chinntiú go mbainistítear na rioscaí de réir leibhéal inghlactha.

Mionsonraítear sa chlár rioscaí na rialuithe agus na bearta is gá chun rioscaí agus freagracht as oibriú rialuithe a shanntar do bhaill foirne shonracha a mhaolú.

Monatóireacht agus athbhreithniú leanúnach

Tá nósanna imeachta foirmiúla bunaithe chun monatóireacht a dhéanamh ar phróisis rialaithe agus na heasnamh rialaithe a chuirtear in iúl go tráthúil dóibh siúd atá freagrach as gníomh ceartaitheach a dhéanamh, don lucht bainistíochta agus don Choiste Comhairleach Bainistíochta (CCB), nuair is ábhartha. Deimhním gur sainaithníodh príomhrioscaí agus rialuithe gaolmhara agus gur cuireadh próisis i bhfeidhm chun monatóireacht a dhéanamh ar oibriú na bpríomhrialuithe sin agus chun aon easnamh a sainaithníodh a thuairisciú.

Athbhreithniú ar éifeachtacht

Deimhním go bhfuil próisis ag an Oifig chun monatóireacht a dhéanamh ar éifeachtacht a nósanna imeachta bainistíochta riosca agus rialaithe. Bíonn monatóireacht agus athbhreithniú na hOifige ar éifeachtúlacht an chórais um rialú inmheánach airgeadais bunaithe ar obair na n-iniúcháirí inmheánacha agus seachtracha agus an lucht ardbhainistíochta laistigh den Oifig atá freagrach as an gcreat rialaithe inmheánaigh airgeadais a fhorbairt agus a chothabháil.

Saincheisteanna rialaithe inmheánaigh airgeadais

Níor sainaithníodh aon laige sa rialú inmheánach airgeadais maidir le 2021 a n-éilítear nochtadh sa chuntas leithreasa ina leith.

Saincheisteanna rialaithe Covid-19

Mar thoradh ar theacht phaindéim Covid-19, rinneadh roinnt athruithe ar an timpeallacht oibre agus rialaithe san Oifig, agus rinneadh gnéithe áirithe den timpeallacht rialaithe a oiriúnú chun maolú a dhéanamh ar rioscaí a eascraíonn as na srianta san ionad oibre a forchuireadh mar thoradh ar an bpaindéim. Áirítear leis sin cianobair a éascú, sonraisc leictreonacha a chur isteach agus íocaíochtaí a cheadú go digiteach.

Tabhaíodh an chuid is mó de na costais bhreise a bhain le freagairt na hOifige d'oibriú i dtimpeallacht Covid-19 in 2020 agus níor tabhaíodh ach mionchostais bhreise agus leanúnacha a bhain go díreach le paidéim Covid-19 le linn 2021.

Deimhním go leanann na rialuithe atá ann cheana agus na rialuithe a tugadh isteach mar thoradh ar phaindéim Covid-19 de bheith éifeachtach.

Damien Moloney
Oifigeach Cuntasaíochta
Oifig an Ard-Aighne

16 Meitheamh 2022

An tArd-Reachtair Cuntas agus Ciste

Tuarascáil le cur faoi bhráid Thithe an Oireachtais

Vóta 3 Oifig an Ard-Aighne

Tuairim ar an gcuntas leithreasa

Tá iniúchadh déanta agam ar an gcuntas leithreasa do Vóta 3 Oifig an Ard-Aighne don bhliain dar chríoch 31 Nollaig 2021 faoi Alt 3 d'Acht an Ard-Reachtair Cuntas agus Ciste (Leasú) 1993.

I mo thuairimse,

- léirítear go cuí sa chuntas leithreasa na fáiltais agus an caiteachas a bhain le Vóta 3 Oifig an Ard-Aighne don bhliain dar chríoch 31 Nollaig 2021, agus
- ullmhaíodh an cuntas leithreasa san fhoirm a d'ordaigh an tAire Caiteachais Phoiblí agus Athchóirithe.

Bonn faoin tuairim

Rinne mé m'iniúchadh ar an gcuntas leithreasa de réir na gCaighdeán Idirnáisiúnta maidir le hIniúcháireacht arna fhógairt ag an Eagraíocht Idirnáisiúnta Uasfhoras Iniúcháireachta. Tá cur síos déanta ar na freagrachtaí atá orm faoi na caighdeáin sin san aguisín leis an tuarascáil seo. Níl baint ná páirt agam le hOifig an Ard-Aighne agus tá na freagrachtaí eitice eile atá orm de réir na gcaighdeán comhlíonta agam.

Creidim gur leor agus gur cuí an fhianaise iniúchta a fuair mé le bonn a chur faoi mo thuairim.

Tuairisc ar an ráiteas faoi rialú inmheánach airgeadais, agus ar nithe eile

Chuir an tOifigeach Cuntasaíochta ráiteas faoi rialú inmheánach airgeadais i láthair i dteannta an chuntais leithreasa. Tá cur síos déanta ar na freagrachtaí atá orm le tuairisciú ar an bhfaisnéis atá sa ráiteas, agus ar nithe eile a dtuairiscím orthu de réir eisceachta san aguisín leis an tuarascáil seo.

Níl aon rud le tuairisciú agam ina leith sin.

Seamus MacCárthaigh

Ard-Reachtair Cuntas agus Ciste

20 Meitheamh 2022

Aguisín leis an tuarascáil

Freagrachtaí an Oifigeach Cuntasaíochta

Tá an tOifigeach Cuntasaíochta freagrach as na nithe seo a leanas:

- an cuntas leithreasa a ullmhú de réir alt 22 den Exchequer and Audit Departments Act 1866
- a chinntiú go gcomhlíonann an cuntas leithreasa ceanglais na *Nósanna Imeachta Airgeadais Phoiblí* ón Roinn Caiteachais Phoiblí agus Athchóirithe agus ordacháin eile ón Aire Caiteachais Phoiblí agus Athchóirithe
- rialtacht na n-idirbheart a chinntiú, agus
- cur chun feidhme a dhéanamh ar cibé rialú inmheánach a chinneann an tOifigeach Cuntasaíochta a bheith riachtanach chun cuntas leithreasa a ullmhú atá saor ó mhíráiteas ábhartha, bíodh calaois nó earráid mar chúis leis.

Freagrachtaí an Ard-Reachtaire Cuntas agus Ciste

Ceanglaítear orm faoi alt 3 den Acht um Ard-Reachtaire Cuntas agus Ciste (Leasú), 1993, an cuntas leithreasa a iniúchadh agus tuairisciú air do Thithe an Oireachtais, á lua cé acu is amhlaidh nó nach amhlaidh, i mo thuairimse, a chuirtear na fáiltais agus an caiteachas a bhaineann leis an vóta i láthair go cuí sa chuntas.

Tá sé mar chuspóir agam agus an t-iniúchadh á dhéanamh agam dearbhú réasúnach a fháil ar cé acu atá nó nach bhfuil na ráitis airgeadais ina n-iomláine saor ó mhíráiteas ábhartha, bíodh calaois nó earráid mar chúis leis. Is ionann dearbhú réasúnach agus leibhéal ard dearbhaithe. Mar sin féin, ní deimhniú é gur i ngach cás ina bhfuil sé ann a aimseofar míráiteas ábhartha le linn iniúchadh a dhéantar de réir na gCaighdeán Idirnáisiúnta um Iniúchóireacht. Is féidir le míráitis teacht as calaois nó earráid agus meastar iad a bheith ábhartha más amhlaidh ina n-aonar nó mar chomhiomlán a d'fhéadfai a bheith ag súil leis le réasún go rachadh siad i bhfeidhm ar chinntí eacnamaíocha a dhéanann úsáideoirí ar bhonn an chuntais leithreasa.

Mar chuid d'iniúchadh a dhéantar de réir na gCaighdeán Idirnáisiúnta um Iniúchóireacht, úsáidim breithiúnas gairmiúil agus coinnim sceipteachas gairmiúil ar bun ar fud an iniúchta. Le linn déanamh amhlaidh,

- Déanaim sainaithint agus measúnú ar na rioscaí a bhaineann le míráiteas ábhartha sna ráitis airgeadais, bíodh calaois nó earráid mar chúis leis; ceapaim nósanna imeachta iniúchóireachta atá freagrúil do na rioscaí sin agus cuirim i bhfeidhm iad; agus faighim fianaise iniúchta is leor agus is cuí chun bunús a thabhairt do mo thuairim. Is airde an baol nach mbraithfí míráiteas ábhartha de bharr calaoise ná de bharr earráide, toisc go bhféadfadh claonpháirteachas, brionnú, easnamh d'aon ghnó, mífhaisnéis nó sárú ar an rialú inmheánach a bheith i gceist le calaois.

- Gnóthaím tuiscint ar rialú inmheánach atá ábhartha don iniúchadh chun nósanna imeachta iniúchóireachta a cheapadh atá oiriúnach do na cúinsí. Ní dhéanaim amhlaidh, áfach, chun tuairim a thabhairt ar éifeachtacht na rialuithe inmheánacha.
- Déanaim measúnú ar cé acu a comhlíonadh nó nár comhlíonadh forálacha cuntasaíochta na *Nósanna Imeachta Airgeadais Phoiblí* ón Roinn Caiteachais Phoiblí agus Athchóirithe.

Déanaim cumarsáid leis an Oifigeach Cuntasaíochta maidir le raon feidhme agus uainiú beartaithe an iniúchta agus le fionnachtana suntasacha an iniúchta, lena n-áirítear aon easnamh shuntasacha i rialú inmheánach a shainithnínm le linn m'iniúchta, i measc ábhair eile.

Tuairiscím trí eisceacht i gcás gurb amhlaidh, i mo thuairimse,

- nach bhfuair mé an fhaisnéis agus na mínithe ar fad a theastaigh uaim do m'iniúchadh, nó
- nár leor na taifid chuntasaíochta chun mé a chumasú iniúchadh réidh cuí a dhéanamh ar an gcuntas leithreasa, nó
- nach bhfuil an cuntas leithreasa ag teacht leis na taifid chuntasaíochta.

Tuairisciú ar an ráiteas faoi rialú inmheánach airgeadais

Ní chumhdaíonn mo thuairim ar an gcuntas leithreasa an ráiteas ón Oifigeach Cuntasaíochta faoi rialú inmheánach airgeadais, agus ní chuirim aon chinneadh dearbhaithe in iúl ina leith.

I dtaca leis an iniúchadh ar an gcuntas leithreasa, ceanglaítear orm faoi na Caighdeáin Idirnáisiúnta um Iniúchóireacht an ráiteas faoi rialú inmheánach airgeadais a léamh agus, le linn déanamh amhlaidh, a bhreithniú cé acu is amhlaidh nó nach amhlaidh atá an fhaisnéis atá tugtha laistigh de neamh-chomhsheasmhach go hábhartha leis an gcuntas leithreasa nó le heolas a gnóthaíodh le linn an iniúchta nó atá an chuma uirthi ar shlí eile go ndearnadh míráiteas ábhartha ina leith. Más amhlaidh, bunaithe ar an obair a rinne mé, go gcinnim go ndearnadh míráiteas ábhartha, ceanglaítear orm an fíoras sin a thuairisciú.

Tuairisciú ar ábhair eile

Féachaim le linn an iniúchta le fianaise a fháil ar rialtacht na n-idirbheart airgeadais. Ceanglaítear orm faoi alt 3 den Acht um Ard-Reachtaire Cuntas agus Ciste (Leasú), 1993, tuairisciú i gcás go sainaithnínm aon chás ábhartha nár caitheadh airgead poiblí do na críocha a bhí beartaithe ann nó nach ndearnadh na hidirbhearta de réir na n-údarás a bhí á rialú ann.

Ceanglaítear orm freisin faoi Acht 1993 tuarascáil a ullmhú gach bliain ar cibé ábhair a eascraíonn as m'iniúchtaí ar na cuntais leithreasa is cuí liom. I gcásanna den sórt sin, tagraítear sna deimhnithe tuairime ar na cuntais leithreasa lena mbaineann don chaibidil ábhartha/do na caibidlí ábhartha sa *Tuarascáil ar Chuntais na Seirbhísí Poiblí* uaim, ar tuarascáil bhliantúil í.

Vóta 3 Oifig an Ard-Aighne

Cuntas Leithreasa 2021

		2021	2020
	Soláthar meastacháin	Toradh	Toradh
	€000	€000	€000
Caiteachas an chláir			
A Seirbhísí gairmiúla dlí a sholáthar don Rialtas, do Ranna agus d'Oifigí	17,459	16,707	15,682
Ollchaiteachas	17,459	16,707	15,682
<i>Lúide</i>			
B Leithreasaí-i-gcabhair	705	556	542
Glanchaiteachas	16,754	16,151	15,140

Farasbarr

Tá farasbarr an mhéid a soláthraíodh thar an nglanmhéid a caitheadh le géilleadh don Státchiste.

	2021	2020
	€	€
Farasbarr le géilleadh	602,635	1,039,697

Damien Moloney
Oifigeach Cuntasaíochta
Oifig an Ard-Aighne

31 Márta 2022

Nótaí leis an gCuntas Leithreasa

Nóta 1 Ráiteas faoin gCostas Oibriúcháin 2021

	2021	2020
€000	€000	€000
Costas an chláir	2,460	2,129
Pá	11,601	11,377
Neamhphá	2,646	2,176
Ollchaiteachas	16,707	15,682
<i>Lúide</i>		
Leithreasaí-i-gcabhair	556	542
Glanchaiteachas	16,151	15,140
Athruithe ar shócmhainní reatha		
Ceannacháin airgid thirim	(65)	
Dímheas	188	123
		(164)
Athruithe ar ghlansócmhainní reatha		
Méadú ar fhabhruithe deiridh	172	
Laghdú ar stoc	4	176
		(37)
Caiteachas díreach	16,450	14,939
Caiteachas a tabhaíodh in áit eile		
Glanchaiteachas ar sheirbhísí gaolmhara (nóta 1.1)	3,510	2,821
Measchíosanna	791	791
Glanhostas an chláir	20,751	18,551

1.1 Glanchaiteachas ar sheirbhísí gaolmhara

Tá an glanchaiteachas ar sheirbhísí gaolmhara comhdhéanta de na suimeanna seo a leanas i ndáil le Vóta 3 a tabhaíodh in áit eile.

	2021	2020
	€000	€000
Vóta 12 Aoisliúntais agus Liúntais Scoir	2,809	2,317
Vóta 13 Oifig na nOibreacha Poiblí	357	171
Vóta 18 An Oifig Náisiúnta um Sheirbhísí Comhroinnte	14	15
Vóta 43 Oifig Phríomh-Oifigeach Faisnéise an Rialtais	24	—
An Príomh-Chiste – Pinsin maidir le hiarArd-Aighní	306	318
	3,510	2,821

Nóta 2 Ráiteas faoin Staid Airgeadais ag an 31 Nollaig 2021

	Nóta	2021 €000	2020 €000
Sócmhainní caipitil	2.1	368	491
Sócmhainní reatha			
Stoic	2.2	38	42
Réamhíocaíochtaí	2.3	354	192
Iarmhéideanna dochair eile	2.4	50	59
Ioncam fabhraithe		—	1
Glanmhaoiniú ón Státchiste	2.7	58	67
Iomlán na sócmhainní reatha		500	361
Lúide dliteanais reatha			
Banc agus airgead tirim		18	(212)
Speansais fhabhraithe	2.5	398	65
Iarmhéideanna creidmheasa eile	2.6	90	338
Iomlán na ndlíteanas reatha		506	191
Glansócmhainní reatha		(6)	170
Glansócmhainní		362	661
Arna léiriú ag:			
Cuntas maoinithe Stáit	2.8	362	661

2.1 Sócmhainní caipitil

	Troscán agus feistis €000	Trealamh oifige €000	Iomlán €000
Ollsócmhainní			
Costas nó luacháil ag an 1 Eanáir 2021	1,708	5,145	6,853
Breiseanna	—	65	65
Díúscairtí	(16)	(6)	(22)
Costas nó luacháil ag an 31 Nollaig 2021	1,692	5,204	6,896
Dímheas carntha			
Iarmhéid tosaigh ag an 1 Eanáir 2021	1,657	4,705	6,362
Dímheas don bhliain	18	170	188
Dímheas ar dhiúscairtí	(16)	(6)	(22)
Dímheas carnach ag an 31 Nollaig 2021	1,659	4,869	6,528
Glansócmhainní ag an 31 Nollaig 2021	33	335	368
Glansócmhainní ag an 31 Nollaig 2020	51	440	491

2.2 Stoic

ag an 31 Nollaig	2021 €000	2020 €000
Stáiseanóireacht	16	19
Ábhar inchaite TF	22	23
	38	42

2.3 Réamhíocaíochtaí

	2021 €000	2020 €000
Tacaíocht bogearraí	192	102
Seirbhísí leabharlainne	158	89
Réamhíocaíochtaí eile	4	1
	354	192

2.4 Iarmhéideanna dochair eile

ag an 31 Nollaig	2021	2020
	€000	€000
Oifig na nOibreacha Poiblí	37	38
Óinchestí taistil	1	—
Scéim in-fhorchúitithe pas taistil	9	4
Míreanna dochair eile ar fionraí	3	17
	50	59

2.5 Costais fhabhraithe

ag an 31 Nollaig	2021	2020
	€000	€000
Saineolas dlí ar conradh	363	20
Costais riaracháin eile	35	45
	398	65

2.6 Iarmhéideanna creidmheasa eile

ag an 31 Nollaig	2021	2020
	€000	€000
Suimeanna atá dlite don Stát		
Cáin ioncaim	—	177
Tobhach ioncaim	—	37
Árachas sóisialach pá-choibhneasa	—	106
Cáin shiarchoinneálach ar sheirbhísí gairmiúla	41	16
Cáin bhreisluacha	49	—
Creidiúnaithe eile	—	2
	90	338

2.7 Glanmhaoiniú ón Státchiste

ag an 31 Nollaig	2021	2020
	€000	€000
Farasbarr le géilleadh	603	1,040
Deontas ón Státchiste nár tarraingíodh	(661)	(1,107)
Glanmhaoiniú ón Státchiste	(58)	(67)
Arna léiriú ag:		
Féichiúnaithe		
larmhéideanna dochair: fionraí	50	59
	50	59
Creidiúnaithe		
Dlite don Stát	(90)	(338)
Banc agus airgead tirim	(18)	212
	(108)	(126)
	(58)	(67)

2.8 Cuntas maoinithe Stáit

	Nóta	2021	2020
		€000	€000
larmhéid ag an 1 Eanáir		661	460
Eisíocaíochtaí ón Vóta			
Soláthar meastacháin	Cuntas	16,754	
Farasbarr le géilleadh	Cuntas	(603)	
Glanvóta		16,151	15,140
Caiteachas (airgead tirim) a tabhaíodh in áit eile	1.1	3,510	2,821
Caiteachais neamhairgid thirim - Measchíos	1	791	791
Glanchostas an chláir	1	(20,751)	(18,551)
larmhéid ag an 31 Nollaig		362	661

2.9 Ceangaltais

Ceangaltais dhomhanda		
ag an 31 Nollaig	2021	2020
	€000	€000
Soláthar earraí agus seirbhísí	495	570

Nóta 3 Caiteachas an Vóta

Anailís ar chaiteachas riaracháin

Tá caiteachas riaracháin atá leagtha amach thíos ar áireamh i gClár A chun costálacha iomlána an chláir a chur i láthair.

		2021		2020
		Soláthar meastacháin	Toradh	Toradh
		€000	€000	€000
i	Tuarastail, pá agus liúntais	12,260	11,601	11,377
ii	Taisteal agus cothú	210	70	80
iii	Oiliúint agus forbairt agus speansais theagmhasacha	640	543	484
iv	Seirbhísí poist agus teileachumarsáide	100	116	75
v	Trealamh oifige agus seirbhísí TF seachtracha	700	839	1,026
vi	Costais áitribh oifige	160	98	103
vii	Seirbhísí comhairleoireachta agus athbhreithnithe ar luach ar airgead agus ar pholasaithe	35	21	29
viii	Saineolas dlí faoi chonradh	710	873	240
		14,815	14,161	13,414

Difríochtaí suntasacha

Tugann an méid seo a leanas anailís ar chaiteachas riaracháin an Vóta agus tugann sé breac-chuntas ar na cúiseanna le difríochtaí suntasacha (+/- 25% agus €100,000).

i Tuarastail, pá agus liúntais

Soláthar meastacháin: €12.26 milliún; toradh: €11.601 milliún

Tháinig an coigilteas €659,000 chun cinn toisc nár líonadh gach post laistigh den Oifig le linn na bliana mar gheall ar an am a thóg sé chun foireann a earcú. Ina theannta sin, bhí ceann de na poist is sinsearaí laistigh den Oifig fós folamh ar feadh na bliana ar fad.

ii Taisteal agus cothú

Soláthar meastacháin: €210,000; toradh: €70,000

Tháinig an coigilteas €140,000 chun cinn mar gheall ar shrianta taistil ó phaindéim Covid-19.

v Trealamh oifige agus seirbhísí TF seachtracha*Soláthar meastacháin: €700,000; toradh: €839,000*

Tháinig an róchaiteachas €139,000 faoin bhfotheideal seo chun cinn toisc gur uasghrádaíodh trealamh TF agus gur réamhíocadh ceadúnais oibriúcháin trí bliana.

viii Saineolas dlí faoi chonradh*Soláthar meastacháin: €710,000; toradh: €873,000*

Tháinig an róchaiteachas €163,000 chun cinn mar gheall ar an gceanglas chun costais a bhain le tionscadal chun athbhreithniú agus athdhréachtú a dhéanamh ar na dlíthe pleanála a urscaoileadh, rud nár soláthraíodh maoiniú dó sa mheastachán bunaidh.

Clár A Seirbhísí gairmiúla dlí a sholáthar don Rialtas, do Ranna agus d'Oifigí

		2021		2020
		Soláthar meastacháin	Toradh	Toradh
		€000	€000	€000
A.1	Riarachán – pá	12,260	11,601	11,377
A.2	Riarachán – neamhphá	2,555	2,560	2,037
A.3	Ranníocaíochtaí le heagraíochtaí idirnáisiúnta	54	53	50
A.4	An Coimisiún um Athchóiriú an Dlí	2,460	2,460	2,129
A.5	Costais ghinearálta dlí	130	33	89
		17,459	16,707	15,682

Nóta 4 Fáltais

4.1 Leithreasaí-i-gcabhair

		2021		2020
		Measta €000	Réadaithe €000	Réadaithe €000
1	Fáltais ó ranníocaíochtaí aoisliúntais breise ar luach saothair seirbhíse poiblí	697	549	540
2	Ilghnéitheach	8	7	2
	lomlán	705	556	542

Difríochtaí suntasacha

Tugann an méid seo a leanas breac-chuntas ar na cúiseanna le difríochtaí suntasacha i bhfáltais (+/- 5% agus €100,000). Tríd is tríd, bhí na leithreasaí-i-gcabhair €149,000 níos lú ná an meastachán.

1 Fáltais ó ranníocaíochtaí aoisliúntais breise ar luach saothair seirbhíse poiblí

Meastachán: €697,000; réadaithe: €549,000

Tharla an t-easnamh €148,000 toisc nár líonadh gach post san Oifig agus sa Choimisiún um Athchóiriú an Dlí ar fud na bliana 2021. Mar thoradh ar an laghdú ar na tuarastail a íocadh agus ráta na ranníocaíochtaí aoisliúntais breise is infheidhme maidir leis na poist seo, laghdaíodh ina dhiaidh sin luach na ranníocaíochtaí aoisliúntais iarbhrí a bailíodh.

Nóta 5 Soláthar Foirne agus Luach Saothair

5.1 Líon na bhfostaithe

Líon foirne ag deireadh na bliana	2021	2020
Oifig an Ard-Aighne	145	138
Gníomhaireachtaí	20	18
Iomlán	165	156

5.2 Pá – Oifig an Ard-Aighne

	2021 €000	2020 €000
Pá	10,506	10,356
Liúntais le haghaidh ard-dualgas, dualgas speisialta nó dualgas breise	62	63
Liúntais eile	14	14
Ragobair	13	6
ÁSPC an Fhostóra	1,006	938
Pá iomlán	11,601	11,377

5.2 Pá – gníomhaireachtaí

	2021 €000	2020 €000
Pá	1,466	1,202
Liúntais le haghaidh ard-dualgas, dualgas speisialta nó dualgas breise	3	—
ÁSPC an Fhostóra	103	104
Pá iomlán ^a	1,572	1,306

Nóta ^a Fuair an Coimisiún um Athchóiriú an Dlí deontas €2.46 milliún faoi Fhotheideal A.4 An Coimisiún um Athchóiriú an Dlí (€2.129 milliún in 2020). Chuir an Coimisiún um Athchóiriú an Dlí na figiúirí pá a tuairiscíodh thuas ar fáil.

5.3 Liúntais agus íocaíochtaí ragoibre

	Líon na bhfaighteoirí	Faighteoirí a fuair €10,000 nó níos mó	An íocaíocht aonair is airde	
			2021	2020
			€	€
Liúntais le haghaidh ard-dualgas, dualgas speisialta nó dualgas breise	7	3	27,946	11,050
Liúntais eile	7	—	8,989	4,533
Ragobair	5	1	10,147	5,781
Luach saothair breise i níos mó ná catagóir amháin	1	1	28,044	11,912

5.4 Socruithe eile maidir le luach saothair

Cuimsíonn an cuntas seo caiteachas €276,978 i leith costais tuarastail triúir oifigeach a bhí ag fónamh lasmuigh den Oifig le linn na bliana 2021 ar fad nó cuid di.

Ní chuimsíonn an cuntas seo caiteachas i leith 35 oifigeach a bhí ag fónamh lasmuigh den Oifig le linn na bliana 2021 ar fad nó cuid di i ranna/oifigí Rialtais eile agus ar íoc an roinn/oifig óstach a dtuarastail.

5.5 Tuarastal an Oifigh Cuntasaíochta

Amhail an 31 Nollaig 2021, tá tuarastal reatha an Oifigh Cuntasaíochta ag leibhéal Ard-Rúnaí III, agus an tuarastal comhlán bliantúil a bheith cothrom le €202,604 (€200,598 amhail an 31 Nollaig 2020).

Aguisín A Cuntas faoi choimirce Oifig an Ard-Aighne

Liostaítear sa tábla seo a leanas na comhlachtaí atá faoi choimirce Oifig an Ard-Aighne agus ar ina leith atá oibleagáid ar an Oifig ráitis airgeadais a chur i láthair. Tugtar le fios ann (amhail dáta sínithe an chuntais) an tréimhse lena mbaineann na ráitis airgeadais iniúchta dheireanacha agus an tréimhse inar tíolacadh don Oireachtas iad.

Comhlacht	An tréimhse chuntasaíochta dheireanach	Dáta na tuarascála iniúchta	An dáta a fuair an tAire í	An dáta a tíolacadh don Oireachtas í
An Coimisiún um Athchóiriú an Dlí	2020	15 Nollaig 2021	21 Nollaig 2021	19 Eanáir 2022